

HAKKEEJI MAA E FARILLAAJI E JAB'BUNGOL



Ngoodoo humpito ko ngam maa so tawii:


- ✓ duubi ma njotaaki 18
- ✓ a arii e jibnaabe maa gooto walla diɗo bee fof
- ✓ aan e besngu maa mbiyi laamu nguu wonnde ada yidi dabbude moolaare (ina wiye kadi ndeenka hakkunde leydeele) to ITALIYA.

Aan e besngu maa on ngonii e jam e nder ndii leydi.

To Orop, kala mo duubi mum njahrataa 18 ina hiisee wonnde cukalel, ina jogii hakke hebde **ballal keeringal**.

➤ HOL BAAW'DO WALLUDE MA?

E nder dumunna mo ngondaa e leydi ndii, anndube heewbe ina mbaawi wallude ma e besngu maa, yeru **piroowo** ina waawi wallude ma jokkondirde e demngal ngal paamdaa. Darnde mabbe ko firtude tigi, ko aan e wodbe bee kaaldata koo kadi.



➤ HOL KO KE'BATAA AAN E 'BESNGU MAA?

A hebat ballal e kuude ceertude wakkati a don dabbita laamu ngam yeewtaade dabbitaande moolaare ma. Dum woni ko wiyetee **jabbungal**.

Ko a cukalel e ko a dabboowo moolaare ada jogii hakkeeki, kono kadi ko farillaaji di potdaa hormaade. Dii paamniraama e nder ndee deftere.

So a faamaani gede e nder ndee deftere walla so tawii ada jogii naamne, naamndo-daa gollotoobe bee e jibnaabe maa.

On kebat humpitooji godfi e balde garooje.

Fawaade ko e ngonka maa, aan e besngu maa kebon:



• nokku daanaade



• ñaamde



• gedde cellal neddo



• koltu



• Besngu maa ina waawi kadi hebde kaalis ngam ñamlude ñalnde kala.

➤ HAKKE E TOPPITAADE CELLAL

Laamu ngu tabitinat on kebii ballal cellal ngal on njidi.

Gollotoobe bee mbiyete e besngu maa so tawii ada waawi subaade ada foti yahde yeewndagol safaara e infirmiyee walla cafroowo.



➤ ANNDIN GOLLOTOOBE BEE SO TAWII:

- ada ñawi, ada wonndi e ngañaande walla ada sokli ballal safaara ko yaawi
- ada jogii tampere
- a tooñaama
- ada huli walla ada wonndi e hulde neddo
- a gondo walla ada waawi wonnde reedindo
- aan walla besngu maa dabbii ballal ngam kala dalillaaji goddi.


So tawii ada heewi metteede, tikkere, kulol, sunaare walla ada wonndi e cadeele daanaade, ada waawi haaldude e **anndando hakkille**.

Ada waawi hoolaade infirmiyee, cafroowo, anndando hakkille e gollotoobe. Alaa ko kaal-daa foti renndineede e goddo so wonaa jibnaabe maa, tawa a jabaani.

Ko wonaa e duum tan ko so nguurndam maa walla nguurndam goddo ina wonndi e cadeele.

➤ HAKKE JANNDE

Ko a cukalel ada jogii hakke jannde e janngude. Gollotoobe bee kaalanat on golle jannde e fijirde ngam wallude on janngude, yellitaade e hebde sehilaabe hesbe.



➤ HAKKE GOLLE



Fawaade ko e duubi maa e ngonka maa, ada waawi accude golle, so ada yidi. Gollotoobe bee ndokkete humpitooji godfi.

➤ HOL TO NGONOTON AAN E 'BESNGU MAA?



Nokku to ngon-daa doo tawa laamu nguu ina yeewtoo dabbaande moolaare maa ina fawii e ngonka maa.


Gollotoobe bee nganndinteto potdon hodde. **Ada waawi hebde ballal e sarwisaaji tan ko e nokku ngu laamu nguu felliti.**

Ina famdi no feewi, galleeji ina mbaawi wadeede e nokku to be mbaawaa arde e yahde no be njidiri nii. So tawii ko e nder ngonka kaa, wasiyaaji sariya e gollotoobe mballete.

Basiyaado sariya ko neddo ganndudo kuule e nder ndii leydi, baawdo janngude ngonka maa, baawdo wallude ma kadi.



Kala to ngondaa fof, ada jogii hakke:



- keddo-daa e besngu maa



- hebu ballal ngam **jokkondirde** e jeyaabe galle maa e **yiylaade be**, so a anndaa to be ngoni.

Ada jogii hakke wonnde e kisal. Hay gooto yamiraaka:



hulbinnde ma



Hudde ma



bonnude ma

Ko be ngoniri fof, kodo walla mo nganndu-daa.

So ada jogii cadeele e jibnaabe maa walla e gollotoobe, ada waawi haalde kadi.



HOL FARILLAAJI JAB'BUNGAL NJOGI-DA'AAN E 'BESNGU MAA?

Ina moyyi kaalɗaa goonga e gollondirde e laamu, hay so tawii won e sahaa fof ina hulbinii, ina sadi haalde daartol maa.

Gollotoobe ina mbaawi wallude ma so be nganndii ngonka maa.

Les doo, yoga e farillaaji di aan e besngu maa poti dooftaade.



Rewtu kuule nokku mo ngondaanguu.



Hoto doggu e nokku to laamu nguu wiya maa njoodo-daa doo.



Rewru e sariyaaji leydi ndii, di gollotoobe bee paamninta on.



HOL KO WONI SO TAWII AAN WALLA 'BESNGU MAA DOOFTAANKI FARILLAAJI MAA?

So dum wadii, ada waawi haaldude e gollotoobe bee e dow peewal, paamninaa be ngonka maa kaa. Laamu nguu yeewtoto ngonka kaa, anndinat jibnaabe maa so tawii be pellitii yettude heen peeje.



Yeru, so tawii jeyaado galle maa gollodaani e laamu, **oon jeyaado galle ina waawi hebde ballal seeda.**



So tawii jeyaado galle maa wadii ko boni, **oon jeyaado galle ina waawi waasde ballal ngal be kebata ngal.** Polis ina waawi noddeede.

No ballal be kebata haa jooni fawaade ko e ngonka mabbe e haajuuji mabbe dii.

Aan e besngu maa ngon-don jooni e Italiya, ko leydi EU.

Leydeele EU+ dee ko:



Leyde 27 Jeyaaɗe e Dental Orop (EU): Austria, Belsik, Bulgaria, Croatia, Cyprus, Czechia, Denmark, Estooni, Finland, Farayse, Germany, Greece, Hungary, Italy, Latvia, Lithuania, Luxembourg, Malta, Netherlands, Poland, Portugal, Republic of Ireland, Romaani, Slovakia, Slovenia, Espaañ, Sweden e



Leydeele 4 goɗɗe: Iceland, Liechtenstein, Norway and Suwiis.



KUULE NGAM DABBUDE MOOLAARE E YAHDE LEYDEELE EU+



Aan e besngu maa, ina dooldinii joodo-don e Italiya, woto ndoggu yahde e ngootiri nder leydeele EU+ keddiide dee.



So a doggii, batte bonde ina ngoodi, duum paamnetee yeeso. Yeru, ada hebat ballal jabbungal seeda e nder leydi ngoɗndi.



Siftor, ada foti winnditaade dabbaande moolaare maa to leydi EU+ to ngar-daa adannde doo, so wonaa laamu nguu humpitiima dum.




Ko ngootiri e deen leydeele tan waawi yeevtaade dabbaande moolaare maa. Laamu nguu to italiyankooru haalante hol leydi ndi jogori baawɗe wadde dum.

A anndat diin laabi e nder defte ceertude.



HOL KO FOTI WA'DEEDE SO AAN E 'BESNGU MAA NDOGGII, ON NJAHII NGOOTIRI E LEY'DEELE EU+ 'DEE?



E nder leydi Italiya:

- laabi moolaare maa ina mbaawi dartineede.

E nder leydi EU+ ngodndi ndii:

- laamu nguu ina waawi fellitaade nelditaade ma leydi EU+ ndi njaltu-daa ndii. Gila nde laamu nguu humpitii ma ngaal kuulal, a hebataa won e hakkeji, yeru:
- a hebataa won e fannuuji ballal goddi e
- a jabantaake baawde gollude.

No ballal kebru-daa haa jooni fawaade ko e ngonka maa e haajuuji maa dñi.



HOL BAAW'DO WALLUDE MA E 'BESNGU MAA SO A JABAANI KUULAL NGAL LAAMUUJI MBADI?



Aɗa waawi dabbude ballal e basiyaado sariya. Gollotoobe bee kadi humpitat on ko fayti e pelle ɗe ngonaa laamuyankooje baawɗe rokkude on humpitooji e ballal ngal.



Aɗa waawi jikkondirde e Fedde Leyɗeele Dentude Toppitiinde ko Fayti e Mooliibe (UNHCR) kala sahaa fof. UNHCR ina reena yimbe be rokkaabe doole ngam yaltude leydi mabbe.

BINNDANDE AM



Ndee deftere ko ngam bayaanuuji tan. Nde wadataa e hoore mayre hakkeeki walla farillaaji. Fedde Dental Orop ngam Moolaare (EUAA) rokkii ko burdi e ndee winndannde, e yellitaagol e waylude ndee deftere ko EUAA yamiri dum tan ngam leydeele jeyaade e EU. EUAA jabataa hay batte walla tampere ngam laabal, loowdi, timmal, sariya walla nuundal bayaanuuji gondi e ndee deftere, di leydeele jeyaade e EU walla kala jeyaade e leyde godde jogiide hakke. Alaa e EUAA walla kala e neddo golloowo e innde EUAA no waawi huutoraade humpitooji tawaadi e ndee deftere.